

Antiphona.

Circúmdate, Levitæ, * altáre Dómini Dei, vestíte vestiméntis albis, estóte et vos canétes hymnum novum dicétes, allelúja.

℣. Mirábilis Deus in Sanctis suis, et sanctus in ómnibus opéribus suis.

Glória Patri, et Fílio, et Spirítui sancto.

Sicut erat in princípio, et nunc, et semper, et in sáecula sáeculorum. Amen.

Alia Antiphona:

Circúmdate Sion, et complectímmini eam, narráte in túrribus ejus. ℣. Magnus Dóminus et laudábilis nimis, in civitaté Dei nostri, in monte sancto ejus.

Deinde dicitur Responsorium:

Induit te Dóminus túnica jucunditátis, et impósuit tibi corónam. * Et ornávit te ornáméntis sanctis.

℣. Luce spléndida fulgébis, et omnes fines terræ adorábunt coram te. * Et ornávit te.

℣. Natiónes ex longínquo ad te vénient, et múnera deferétes adorábunt Dóminum; et terram tuam in sanctificatióne habébunt, et nomen magnum tuum invocábunt. * Et ornávit te.

℣. Benedícti erunt, qui te ædificavérunt: tu autem lætáberis in filiis tuis, quóniam omnes benedicétes, et congregábuntur ad Dóminum. * Et ornávit te.

Et non dicitur Glória Patri, sed sequens Antiphona dicitur:

In velaménto alárum tuárum prótege nos, Dómine, et in laude tua gloriémur.

Psalmus 62. Deus, Deus meus, * ad te de luce vígilo.

Et dicitur totus prout habetur supra, pag. 158. cum Glória Patri, in fine.

Finito Psalmo, Pontifex, deposita mitra, ascendit ad altare primum, et facta cruci super altare positæ reverentia, incipit, schola seu ministris prosequentibus, Antiphonam:

Omnis terra * adóret te Deus, et psallat tibi: psalmum dicat nómini tuo Dómine.

Interim dum Antiphona cantatur, Pontifex incensat super altare in modum crucis. Quo facto redit ad secundum altare, incensat ut supra, et sic in reliquis. Deinde revertitur ad primum altare et Antiphona finita, Pontifex eam reincipit, et schola prosequitur; et interim iterum ipse Pontifex super altare primum et reliqua altaria in modum crucis incensat, quod et tertio facit: quo facto, stans ante medium primi altaris, dicit:

Orémus.

Descéndat, quæsumus Dómine Deus noster, Spirítus tuus sanctus super hæc altária qui et dona nostra, et pópuli tui in eis sanctíficet, et suméntium corda dignánter emúndet. Per Christum Dóminum nostrum. ℞. Amen.

Orémus.

Omnípotens sempitérne Deus, altária hæc nómini tuo dedicáta cœlestis virtútis bene ✠ dictione sanctífica; et ómnibus in te sperántibus auxilií tui munus osténde; ut hic Sacramentórum virtus, et votórum obtineátur efféctus. Per Dóminum nostrum Jesum Christum Fílium tuum: Qui tecum vivit et regnat in unitáte Spirítus sancti Deus, per ómnia sáecula sáeculorum. ℞. Amen.

℣. Dóminus vobíscum. ℞. Et cum spirítu tuo.

℣. Benedicámus Dómino. ℞. Deo grátias.

Quo dicto, Pontifex accedit ad sacristiam, sive sacrarium, ubi, deposito pluviali, parat se ad celebrandam Missam, si voluerit, vel facit per aliquem Sacerdotem in uno ex dictis altaribus consecratis solemniter celebrari. Missa dicitur ut in Missali, in ipsa die Dedicacionis Altaris.

Finita Missa, Pontifex dat benedictionem solemnem, et indulgentias; exiit se sacris vestibus, et vadit in pace.

DE CONSECRATIONE ALTARIUM,

QUORUM SEPULCHRUM RELIQUIARUM EST IN MEDIO SUMMITATIS STIPITIS.

Quod prædictus consecrandi altare semper servatur, quando sepulchrum Reliquiarum est in medio tabulæ altaris, a parte superiori, vel in stipite a parte anteriori, aut posteriori. Si vero sepulchrum est in medio summitatis stipitis, supra autem sit ponenda ipsa tabula, sive mensa altaris; finita aquæ benedictione, cum vino, et cinere, ut supra, pag. 407. atque Oratione.

Omnípotens sempitérne Deus, creátor, et conservátor humáni géneris, etc. pag. 409.

Pontifex stans cum mitra, et aqua benedicta hujusmodi, vino et cinere mixta, facit malþam, sive cæmentum ex calce, et sabulo, seu tegula trita ad hoc paratis, quod deinde, deposita mitra, benedicit, dicens:

℣. Dóminus vobíscum. ℞. Et cum spirítu tuo.

Orémus.

Summe Deus, qui summa, et média, ímaque custódis, qui omnem creatúram intrinsecus ambiéndo conclúdis, sancti ✠ fica, et béne ✠ dic has creatúras calcis, et sábuli. Per Christum Dóminum nostrum. ℞. Amen.

Quo facto, tabula ipsa uniuscujusque altaris a stipite separata jacente, debet fieri Reliquiarum deportatio, et inclusio, Pontifice processionaliter accedente ad locum, ubi Reliquiæ sunt depositæ, in quo Pontifex stans ab extra sine mitra, dicit:

Orémus. Et ministri: Flectámus génua. ℞. Leváte.

Aufer a nobis, quæsumus, etc. ut supra. p. 434. et continuans per omnia usque ad Conse ✠ crétur, et sancti ✠ ficétur, hæc tábula, inclusive, prout supra ordinatum est, pag. 435. Quibus dictis, Sacerdotes et Levitæ elevant aras, sive tabulas, seu mensas altarium, et collocant eas super stipites; et cæmentarii cum dicto cæmento benedicto ipsas liniunt, et firmant, schola interim cantante, seu ministris dicentibus Responsorium:

Vos sacerdotes et Levitae sanctificamini. * Et afferite aram Domini Dei Israel ad locum qui ei paratus est. *Ps.* Vos sancti Domini vocabimini, ministri Dei nostri: dicetur vobis, sit timor Dei vobiscum, et cum diligentia cuncta facite. *Et.*

Levatis itaque aris, et collocatis, ac cum cemento praedicto bene firmatis Pontifex inchoat Antiphonam: Sub altare Dei, ut supra, p. 435. et continuat usque ad Orationem, Dirigatur, inclusive: qua dicta, prosequitur altarium consecrationem, accedens ad primum altare cum mitra, et stans ante illud, deposita mitra, incipit, schola seu ministris prosequentibus, Antiphonam:

Introibo ad altare Dei, ut supra, pag. 432. cum omnibus sequentibus, usque ad Orationem, Deus, qui es visibilium rerum omnium, etc. inclusive.

Qua dicta, Pontifex accepta mitra sedet, et ministri extergunt mensas altarium cum linteis mundis; et mox Pontifex thurificat super illas in modum crucis in medio, et in quatuor ejus angulis, inchoans, schola seu ministris prosequentibus, Responsorium:

Dirigatur * oratio mea, sicut incensum in conspectu tuo Domine. *Ps.* Elevatio manuum mearum sacrificium vespertinum.

Et omnia alia deinde fiunt, prout supra ordinata sunt, usque ad finem.

DE ALTARIUM PORTATILIUM CONSECRATIONE.

Altarium portatiliu consecratio potest fieri quocumque die, et loco, jejuno tamen stomacho.

Parantur in loco, ubi consecratio hujusmodi fieri debet, in primis aliqua Reliquiae cum tribus granis incensi in quolibet altari recludendae; sanctum Chrisma in vasculo, et ampulla; oleum sanctum Catechumenorum etiam in vasculo, et ampulla; sufficiens quantitas thuris, cujus medietas sit in granis; thuribulum cum navicula, et cochleari; vas cum prunis ardentibus; vas aquae mundae; vas cum cineribus; vas cum sale; vas vini; aspersorium factum de herba hyssopi; mantilia ex tela grossa ad extergenda altaria consecranda, quoties expedierit; quinque cruces parvae factae de candelis cerae subtilibus pro quolibet altari consecrando; aliqua spatula lignae parvae, ad abradendum de quolibet altari combustiones candelarum et thuris; vas, in quo ipsae rasurae deponantur; duo candelabra cum duobus cereis continuo ardentibus prope Reliquias; vas cum aqua ad abluendas manus Pontificis, et medulla panis, ac mantilia pro extergendis manibus.

Pontifex igitur, paratus amictu, alba, cingulo, stola, pluviali albi coloris, et mitra simplici, si consecrationem hujusmodi publice facere velit, vel, si in camera sua, aut alio loco secreto, stolam habeat super rochetum, vel supra superpelliceum, si sit regularis, ab humeris dependentem, et mitram simplicem, stans ante tabulas ipsas, sive altaria consecranda posita super aliquam mensam, vel altare, mitram in capite tenens, absolute dicit:

Deum omnipotentem, fratres carissimi, votis exsultantibus deprecemur, ut qui per omnem mundum fidem sparsit, et Ecclesiam congregavit, qui est lapis de monte sine manibus abscissus, qui angularem compagem solidavit, has petras serenus illustret, easque aeterno lumine irrigatas ita multiplicibus et diversis charismatibus

locupletet, ut super illas, administrandam sui Corporis hostiam bene *✠* dicat, et suscipiat consecratam: Qui cum Deo Patre vivit, et regnat in unitate Spiritus sancti Deus, per omnia saecula saeculorum. *R.* Amen.

Deinde, detecto capite, genuflexus ante altaria consecranda, dicit: Deus in adjutorium meum intende.

Quo dicto, Pontifice surgente, chorus respondet: Domine ad adjuvandum me festina.

Tum Pontifex, stans sine mitra in eodem loco, dicit: Gloria Patri, et Filio, et Spiritui sancto.

Chorus respondet:

Sicut erat in principio, et nunc, et semper, et in saecula saeculorum. Amen.

Sine Alleluja. Et id eisdem modo et loco secundo, et tertio fit, voce semper altius elevata.

Quibus dictis, Pontifex stans in eodem loco cum mitra, benedicit aquam cum sale, cinere, et vino, incipiens absolute exorcismum salis, prout habetur supra sub Ecclesiae Dedicatione, pag. 407. usque ad Orationem: Omnipotens sempiternus Deus, creator, et conservator humani generis, etc. ut pag. 409. inclusive, hoc salvo, quod ubicumque fit mentio de Ecclesiae consecratione, dicit solum de altarium, vel tabularum.

Aqua igitur benedicta, Pontifex, retenta mitra, stans ante altaria intingit pollicem dexterae manus in aqua praedicta per eum benedicta; et cum eo, et aqua hujusmodi facit crucem in medio primae tabulae, vel altaris, dicens:

Sancti *✠* ficetur, et conse *✠* cretur haec tabula. In nomine Pa *✠* tris, et Fi *✠* li, et Spiritus *✠* sancti. Pax tibi.

Deinde facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba praemissa:

Sancti *✠* ficetur, et conse *✠* cretur haec tabula, etc.

Facit autem primam crucem in dextera parte posteriori lapidis, id est, Evangelii, secundam in sinistra parte anteriori transversa primae, tertiam in dextera anteriori, quartam in sinistra posteriori tertiae transversa in hunc modum:

1 <i>✠</i>		<i>✠</i> 4
3 <i>✠</i>	<i>✠</i>	<i>✠</i> 2
0		

Eodem modo deinceps easdem aspersiones faciet super singulos reliquos lapides. Quo facto, inchoat, ministris prosequentibus, Antiphonam:

Asperges me * Domine hyssopo, et mundabor: lavabis me, et super nivem dealbabor.

Ps. 50. Miserere mei Deus. pag. 64.

Sed in fine repetitur ipsa Antiphona, et interim, dum dicuntur Antiphona, et Psalmus prædicti, Pontifex cum mitra aspergit cum aspersorio de herba hyssopi facto de ipsa aqua primam tabulam, per ejus circuitum tribus vicibus. Deinde aspergit reliquas omnes tabulas, ut primam. Quo facto, tabulæ abterguntur cum mundis pannis lineis, deinde Pontifex, deposita mitra, dicit:

V. Dómine exaúdi oratióem meam.

R. Et clamor meus ad te véniat.

V. Dóminus vobíscum. **R.** Et cum spírítu tuo.

Orémus.

Deus, qui es visibílium ómnium rerum et invisibílium cónditor, et cunctárum sanctificatiónum consecrator, ad dedicatióem harum dominicárum mensárum adesse dignáre; et quæ sacráto Oleo, et Chrísmate a nobis indignis sunt liniéndæ, et benedicéndæ, tuæ sancti ✠ ficatiónis in eas infúnde virtútem et consecratióem; ut omnes qui ad eas te deprecáturi accésserint, tuæ propitiatiónis auxiliu sentiant. Per Christum Dóminum nostrum. **R.** Amen.

Tum inchoat, ministris prosequentibus, Antiphonam:

Dirigátur * oratio mea sicut incensum in conspectu tuo Dómine.

Qua incepta, Pontifex, accepta mitra, thurificat tertio primam tabulam per circuitum ejus. Deinde prosequitur eodem modo thurificare secundam tabulam, tum tertiam, quartam et reliquas usque ad ultimam. Finita incensatione, Pontifex inchoat, ministris prosequentibus, Antiphonam:

Eréxit Jacob lápidem * in titulum, fundens óleum désuper.

Psalmus 83. Quam dilécta tabernácula tua Dómine virtútu! * concupíscit, et déficit ánima mea in átria Dómini.

Et totus dicitur prout supra habetur in benedictione et impositione primarii lapidis, pag. 166. sed in fine non dicitur Glória Patri.

Dum Antiphona et Psalmus dicuntur, Pontifex stans cum mitra, intingit pollicem dexteræ manus in oleum Catechumenorum, et cum eo facit quinque cruces super primam tabulam, videlicet, in medio altaris, et quatuor ejus cornibus, in locis, in quibus fecerat cruces de aqua benedicta, videlicet, primam in medio altaris, secundam in dextero cornu posteriori, id est, Evangelii, tertiam in sinistro anteriori, quartam in dextero anteriori, quintam in sinistro posteriori, hoc ordine:

✠ 2		5 ✠
	✠ 1	
✠ 4		3 ✠
	0	

Dicens, dum singulas cruces facit:

Sancti ✠ ficétur, et conse ✠ crétur hæc tábula. In nómine Pa- ✠ tris, et Fí ✠ lii, et Spírítus ✠ sancti. Pax tibi.

Expletis quinque unctionibus super tabulam primam, Pontifex prosequitur unctiones efficere super tabulam secundam, dein super tertiam et super reliquas.

Deinde Pontifex inchoat, ministris prosequentibus, Antiphonam:

Dirigátur * oratio mea sicut incensum in conspectu tuo Dómine.

Et dum Antiphona dicitur, Pontifex thurificat semel tabulam primam per circuitum; deinde secundam et reliquas et restituito thuribulo, et Antiphona finita, deposita mitra, dicit:

Orémus. Et ministri: **Flectámus génua. R.** Leváte.

Adsit Dómine misericórdiæ tuæ ineffábilis pietas: et super has tábulas opem tuæ bene ✠ dictionis, et virtútem tuæ unctiúnis infúnde; ut, te largiénte, réferat præmiu quisquis intúlerit votum. Per Christum Dóminum nostrum. **R.** Amen.

Oratione finita, Pontifex inchoat, ministris prosequentibus, Antiphonam:

Mane surgens Jacob * erigébat lápidem in titulum, fundens óleum désuper, votum vovit Dómino: vere locus iste sanctus est, et ego nesciébam.

Psalmus 91. Bonum est confitéri Dómino, * et psállere nómini tuo Altíssime.

Et totus dicitur prout supra habetur sub Dedicatione Ecclesiæ, pag. 167. Et in fine non dicitur Glória Patri.

Incepta Antiphona, Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis primi altaris, et eo ordine, prout prius fecit, dicens, dum singulas cruces facit:

Sancti ✠ ficétur, et conse ✠ crétur hæc tábula. In nómine Pa- ✠ tris, et Fí ✠ lii, et Spírítus ✠ sancti. Pax tibi.

Et ita facit Pontifex in reliquis altaribus ordine supradicto.

Deinde Pontifex inchoat, ministris prosequentibus, Antiphonam:

Dirigátur * oratio mea sicut incensum in conspectu tuo Dómine.

Interim dum Antiphona dicitur, Pontifex, retenta mitra, thurificat iterum semel tabulas omnes, unam post aliam, per circuitum. Quo facto, Pontifex, deposita mitra, dicit:

Orémus. Et ministri: **Flectámus génua. R.** Leváte.

Adésto Dómine dedicatióni harum mensárum tuárum, et in eas quæ a nobis indignis sancto linítæ sunt óleo, bene ✠ dictionis et sancti ✠ ficatiónis tuæ virtútem et consecratióem infúnde: Qui vivis et regnas Deus, per ómnia sácula sæculórum. **R.** Amen.

Qua finita, Pontifex incipit, schola seu ministris prosequentibus, Antiphonam:

Unxit te Deus, * Deus tuus, óleo lætítiæ præ consórtibus tuis.

Psalmus 45. Deus noster refúgium, et virtus: * adjútor in tribulatióibus, quæ invenérunt nos nimis.

Et totus dicitur prout habetur supra sub Dedicatione Ecclesiæ, pag. 170. Et in fine non dicitur Glória Patri.

Incepta Antiphona, Pontifex, accepta mitra, iterum facit quinque cruces de sancto Chrísmate cum pollice dexteræ manus in medio tabulæ uniuscujusque altaris successive, et in quatuor ejus angulis ordine supra posito, ad quamlibet crucem dicens:

Sancti ✠ ficetur, et conse ✠ cretur hæc tabula. In nómine Pa-
tris, et Fi ✠ lii, et Spíritus ✠ sancti. Pax tibi.

Deinde Pontifex, accepto thuribulo a Sacerdote incensante, imposito et benedicto incenso, stans cum mitra inchoat, et schola seu ministri prosequuntur, Antiphonam:

Dirigátur * oratio mea sicut incensum in conspéctu tuo Dómine.

Qua incepta, Pontifex, rétenta mitra, iterum semel thurificat tabulas unam post aliam per circuitum; deinde, deposita mitra, dicit:

Orémus. Et ministri: Flectámus genua. **R.** Leváte.

Exauði nos Deus noster, et precum nostrárum libénter áccipe vota, et altária hæc ad celebránda divína mystéria præparáta cœléstis unguénti odóre aspérge, et arómata divínæ sanctificatiónis illis infúnde: et sicut lápidem Jacob Patriárchæ eréctum unguénti perfusióne dicásti, et Angélicis visióibus per scalam gradus Ecclésiæ figurásti, sic quoque super hos lápidés altáribus coaptándos cœléstis grátiam sancti ✠ ficatiónis immítte; ut dum tibi super eos sacri Córporis et Sánguinis unigéniti Filii tui mystéria consecrántur, peténtibus peccáta dimittántur, et meréntibus ínfluas grátiam sempitérnam. Per Christum Dóminum nostrum. **R.** Amen.

Oratione dicta, Pontifex, accepta mitra, intingit pollicem dexteræ manus in sanctum Chrisma, et cum eo signat confessionem, id est, sepulchrum primæ tabulæ, in quo Reliquiæ sunt reponendæ, in medio formando signum, dicens:

Conse ✠ cretur, et sancti ✠ ficetur hoc sepúlchrum. In nómine Pa ✠ tris, et Fi ✠ lii, et Spíritus ✠ sancti. Pax huic dómui.

Et ita Pontifex efficit unctiones super tabulam secundam et reliquas.

Deinde, deposita mitra, recondit veneranter Reliquias cum tribus granis thuris in unaquaque tabula, sive altari, et sepulchrum Reliquiarum hujusmodi claudit. Quo facto, adhuc stans sine mitra, dicit:

Orémus.

Deus, qui ex ómnium cohabitatióne Sanctórum ætérnum majestáti tuæ condís habitáculum, da ædificatióni tuæ increméta cœléstia; et præsta, ut quorum hic Reliquias pio amóre compléctimur, eórum semper méritis adjuvémur. Per Christum Dóminum nostrum. **R.** Amen.

Tum inchoat Pontifex, schola seu ministris prosequentibus, Antiphonam:

Ecce odor filii mei, * sicut odor agri pleni, cui benedixit Dóminus: créscere te fáciat Deus meus sicut arénam maris, et donet tibi de rore cœli benedictiõem.

Ps. 86. Fundaménta ejus. pag. 122.

Et non dicitur Glória Patri.

Dum Antiphona, et Psalmus prædicti dicuntur, Pontifex, accepta mitra, fundit, et spargit oleum Catechumenorum, et sanctum Chrisma, manu dextera conficans, liniens, et perungens totum primum lapidem; idemque facit successive in reliquis.

Finito Psalmo, Pontifex stans cum mitra, dicit:

Lápides hos, fratres caríssimi, in quibus unguéntum sacræ uncti-
onis effúnditur, ad suscipiéndá pópuli sui vota, et sacrificia, orémus ut Dóminus noster bene ✠ dicat, et cónse ✠ cret, et quod est unctum a nobis, sit unctum in nómine ejus; ut plebis vota suscipiat, et altáribus per sacram unctiõem perféctis, dum propitiatiõem sacrórum impónimus, ipsi propitiátóres Dei esse mereámur. Per Jesum Christum Dóminum nostrum: qui cum eo, et Spíritu sancto vivit, et regnat Deus in sæcula sæculórum.

R. Amen.

Quo dicto, inchoat, schola seu ministris prosequentibus, Antiphonam:

Ædificávit Móyses * altáre Dómino Deo, ófferens super illud holocausta: et immolans víctimas; fecit sacrificium vespertinum in odórem suavitátis Dómino Deo, in conspéctu filiórum Israél.

Qua finita, stans adhuc cum mitra Pontifex, dicit:

Dei Patris omnipoténtis misericórdiam súplices implorémus, fratres caríssimi, ut altária hæc sacrificiis spirituálibus imbuéndá, nostræ vocis exorátus officio præsentí bene ✠ dictione sanctíficet, atque in eis semper oblatiões famulórum suórum stúdio sanctæ devotióis impósitas bene ✠ dicere, et sancti ✠ ficare dignétur, et spirituáli placátus incenso précibus familiæ suæ promptus exaudítor assístat. Per Christum Dóminum nostrum. **R.** Amen.

Deinde benedicit incensum super altaribus cremandum, et stans ibidem, deposita mitra, dicit:

V. Dómine exauði oratiõem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Dómine Deus omnípotens, cui assístit exércitus Angelórum cum tremóre, quorum servítium spirituále et igneum esse cognóscitur; dignáre respícere, bene ✠ dicere, et sancti ✠ ficare hanc creatúram incénsi, ut omnes languóres, omnésque infirmitátes, atque insídiæ inimíci odórem ejus sentiéntes effúgiant, et separéntur a plásmate tuo quod pretiósio Filii tui Sáanguine redemísti; ut numquam lædátur a morsu iníqui serpéntis. Per eúndem Christum Dóminum nostrum. **R.** Amen.

Deinde aspergit ipsum aqua benedicta, et accepta mitra, format propria manu ex ipso quinque cruces, quamlibet de quinque granis, super illa quinque loca uniuscujusque altaris, in quibus cruces de aqua, Oleo, et Chrismate factæ prius fuerunt, et super quamlibet crucem thuris ponit unam crucem factam de subtili candela ad mensuram crucis de granis incénsi factæ, et cujuslibet crucis capita accenduntur, ut cum ipsis thus comburatur, et cremetur. Omnibus autem crucibus accensis, Pontifex, deposita mitra, flexis coram altari genibus, inchoat, et schola seu ministri prosequuntur:

Allelúja. **V.** Veni sancte Spíritus: * reple tuórum corda fidélium, et tui amóris in eis ignem accénde.

Nisi Consecratio fiat inter Dominicam Septuagesimæ, et festum Paschæ Resurrectionis Domini nostri Jesu Christi, quia tunc omisso Allelúja, dicitur Versus tantum. Quo dicto, surgit Pontifex stans ibidem versus ad altaria sine mitra, et schola seu ministri dicunt Antiphonas duas sequentes:

Ascéndit fumus arómatum in conspéctu Dómini de manu Angeli.

Alia Antiphona:

Stetit Angelus juxta aram templi, habens thuríbulum aúreum in manu sua: et data sunt ei incénsa multa; et ascéndit fumus arómatum in conspéctu Dei.

Sine Allelúja.

Quibus finitis, Pontifex adhuc stans ante altaria sine mitra, dicit:

Orémus. Et ministri: Flectámus génua. *R.* Leváte.

Horum altárium, Dómine, holocaústum sancti Spíritus tui grátia infúsum in odórem tuæ suavitátis ascéndat. Per Christum Dóminum nostrum. *R.* Amen.

Post hæc combustis candelis et thure, cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris versus ad altaria, dicit:

Orémus.

Súpplīces tibi, Dómine Deus Pater omnípotens, preces effúndimus, ut metálli hujus expólitam matériam supérnis sacrificiis imbuéndam ipse tuæ ditáre sancti \times ficatiónis ubertáte dignéris, qui quondam legem in tábulis scripsisti lapídeis. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus.

Deinde eodem modo stans, mediocri voce, extensis manibus ante pectus, dicit Præfationem hanc:

Per ómnia sæcula sæculórum. *R.* Amen.

V. Dóminus vobíscum. *R.* Et cum spírītu tuo.

V. Sursum corda. *R.* Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper, et ubíque grátias ágere, Dómine sancte, Pater omnípotens, ætérne Deus: Qui post offendícula lapsus primi hóminis, instituísti tibi offérri propitiatórii delibaménta libáminis; ut culpa, quæ præcésset per supérbiam, futúris temporibus expiarétur per múnera, quibus honoraréntur altária, honorificaréntur et templa. Quod tibi primus Noë præparávit officio, rursus Abraham immoláturus fílium, dehinc Jacob érigens et ungens lápídem in titulum. Te Redémptor mundi exorámus, ut lápídes istos, seu mensas, in honórem tuum, gloriosæque Vírginis Mariæ, et ómnium Sanctórum, conse \times cráre, et sancti \times ficáre dignéris benedictiónis tuæ illápsu, mánibus nostris

opem tuæ benedictiónis infúdens, et sacri hujus mystérii sicut institútor, ita étiam et sanctificátor appáre, qui te angulárem lápídem, et saxum sine mánibus abscíssum nominári voluísti. Inhæreas hic plácido ætérnæ majestátis obtútu, ut quidquid sacro ritu super his immolábitur, sicut Melchisedech oblátum tibi pláceat holocaústum. Adsit misericórdiæ tuæ ineffábilis píetas: ut, te largiénte, réferat præmium, quisquis intúlerit votum.

Quod sequitur dicit submissa voce legendo, ita tamen quod a circumstantibus audiatur.

Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus, per ómnia sæcula sæculórum. *R.* Amen.

Præfatione finita, Pontifex inchoat, et schola, seu ministri prosequantur, Antiphonam:

Confirma hoc, Deus, * quod operátus es in nobis, a templo sancto tuo, quod est in Jerúsalem. *V.* Glória Patri, et Fílio, et Spírítui sancto. *R.* Sicut erat in princípío, et nunc, et semper, et in sæcula sæculórum. Amen.

Deinde repetitur Antiphona. Qua dicta, Pontifex sine mitra dicit:

Orémus.

Quæsumus, omnípotens Deus, universárum rerum rationábilis ártífex, qui inter céteras creaturárum formas lapídeum metállum ad obséquium tui sacrificii condidísti, ut legítimæ libatióni præpararétur altáre: ánnue dignánte, ut quidquid hic oblátum sacramtúmve fúerit, nómini tuo assúrgat, Religióni proficiat, spei innitá-tur, et fidei sit honóri. Per Christum Dóminum nostrum.

R. Amen.

Postea inchoat, schola seu ministris prosequentibus, Antiphonam:

Omnis terra adóret * te Deus, et psallat tibi: psalmum dicat nómini tuo Dómine.

Qua incepta, Pontifex, accepta mitra, thurificat super unamquamque tabulam successive in modum crucis, deinde, deposita mitra, dicit:

Descéndat, quæsumus Dómine Deus noster, Spíritus tuus sanctus super hæc altária, qui et dona nostra, et pópuli tui in eis sanctificet, et suméntium corda dignánte emúndet. Per Christum Dóminum nostrum. *R.* Amen.

Postremo exterguntur tabulæ per ministros cum pannis lineis. Tum Pontifex parat se ad celebrandum si voluerit, vel facit per aliquem Sacerdotem super unam ex dictis tabulis consecratis Missam celebrari.

Missa dicitur ut in Missali, in ipsa die Dedicationis altaris.

